



**ԲՆԱԴԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄՆԻ
ԱՐԱԳԱԾՈՏՆԻ ՏԱՐԱԾՔԱՅԻՆ ԲԱԺԻՆ**

Ո Ր Ո Շ ՈՒ Մ № ԱԳ/07-24
վարչական տույժ նշանակելու մասին

29 փետրվարի 2024 թվական

ք. Աշտարակ

ՀՀ Բնապահպանության և ընդերքի տեսչական մարմնի (այսուհետ՝ Տեսչական մարմին) Արագածոտնի տարածքային բաժնի պետ Սողոմոն Գալստյանս քննելով անհատ ձեռնարկատեր Վանուշ Յուրայի Մարգարյան (ՀՎՀՀ՝ 54640201) վերաբերյալ հարուցված վարչական իրավախախտման վերաբերյալ գործի նյութերը՝

Պ Ա Ր Զ Ե Ց Ի

Անհատ ձեռնարկատեր Վանուշ Մարգարյանի (անձ. տվյլ.՝ AH0607220, 27.06.2008 թվականին, 024-ի կողմից) կողմից օրենքով սահմանված ժամկետում լիազոր մարմին չի ներկայացվել բնապահպանական հարկի և բնօգտագործման վճարների 2023 թվականի 4-րդ եռամսյակի միասնական հարկային հաշվարկները:

Համաձայն վարչական իրավախախտման վերաբերյալ 2024 թվականի փետրվարի 26-ին կազմված թիվ 04/06 արձանագրության՝ անհատ ձեռնարկատեր Վանուշ Մարգարյանն իր անգործությամբ խախտել է Հայաստանի Հանրապետության հարկային օրենսգրքի 180-րդ հոդվածի 1-ին մասի պահանջները, այն է՝ բնապահպանական հարկ վճարողները մինչև յուրաքանչյուր հաշվետու ժամանակաշրջանին հաջորդող ամսվա 20-ը ներառյալ Հայաստանի Հանրապետության հարկային օրենսգրքի 52-րդ և 53-րդ հոդվածներին համապատասխան կազմում և Կառավարության սահմանած կարգով բնապահպանության և ընդերքի տեսչական մարմին և հարկային մարմին են ներկայացնում բնապահպանական հարկի և բնօգտագործման վճարների միասնական հարկային հաշվարկները: Անհատ ձեռնարկատեր Վանուշ Մարգարյանի կողմից սույն իրավախախտումը կատարվել է մեկ տարվա ընթացքում չորրորդ անգամ, ինչը դիտարկվում է որպես ծանրացուցիչ հանգամանք:

Հայաստանի Հանրապետության հարկային օրենսգրքի 180-րդ հոդվածի 1-ին մասի պահանջների խախտումը նախատեսում է վարչական պատասխանատվություն Վարչական

իրավախախտումների վերաբերյալ Հայաստանի Հանրապետության օրենսգրքի 169⁴-րդ հոդվածի 2-րդ մասով, այն է՝ Վճարողների կողմից բնապահպանական հարկի և բնօգտագործման վճարների միասնական հարկային հաշվարկները սահմանված ժամկետներում լիազոր մարմիններ չներկայացնելը, ինչպես նաև դրանք ոչ սահմանված ձևով, աղավաղումներով, անստորագիր ներկայացնելը: Խախտումների կատարումն այն անձի կողմից, որը վարչական տույժի է ենթարկվել մեկ տարվա ընթացքում՝ առաջացնում է տուգանքի նշանակում պաշտոնատար անձանց նկատմամբ՝ սահմանված նվազագույն աշխատավարձի հարյուրհիսնապատիկի չափով:

Անհատ ձեռնարկատեր Վանուշ Մարգարյանը պատշաճ ծանուցվել է վարչական իրավախախտման վերաբերյալ գործի քննության տեղի և ժամանակի մասին, սակայն չի ներկայացել, գործի քննությունը հետաձգելու վերաբերյալ միջնորդություններ և առարկություններ չեն ներկայացվել:

Ելնելով վերոգրյալից և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 169⁴-րդ հոդվածի 2-րդ մասով, 242-րդ հոդվածի, 281-րդ հոդվածի, 282-րդ հոդվածի 1-ին մասի 1-ին կետի և 283-րդ հոդվածի պահանջներով.

Ո Ր Ո Շ Ե Ց Ի

1. Անհատ ձեռնարկատեր Վանուշ Մարգարյանի կատմամբ ՀՀ Վարչական իրավախախտումների վերաբերյալ օրենսգրքի 169⁴-րդ հոդվածի 2-րդ մասով կատարած իրավախախտման համար նշանակել տուգանք՝ 150 000 (հարյուր հիսուն հազար) ՀՀ դրամի չափով:

/վճարումը՝ 900005024063 հաշվեհամարին/

2. Սույն որոշումն ուժի մեջ է մտնում Վանուշ Մարգարյանին հանձնելու (հանձնված համարվելու) օրվան հաջորդող օրը, կարող է գանգատարկվել /բողոքարկվել/ վարչական կարգով տեսչական մարմնի ղեկավարին՝ ուժի մեջ մտնելուց հետո 30 օրվա ընթացքում կամ դատական կարգով՝ երկամսյա ժամկետում:

3. Որոշման օրինական ուժի մեջ մտնելու պահից երկամսյա ժամկետում վերջինս չբողոքարկվելու դեպքում այն դառնում է անբողոքարկելի և ենթակա է հարկադիր կատարման:

ԱՐԱԳԱԾՈՏՆԻ ՏԱՐԱԾՔԱՅԻՆ ԲԱԺՆԻ ՊԵՏ



Ա. ԳԱԼՍՅԱՆ